

# AVISU

## Cursu de alfabetizazione e de grammàtica de sa limba sarda

S'Unione de sos Comunes de Barigadu, a intro de su progetu **Barigadu in limba** finantziadu dae sa Presidèntzia de su Consìgiu de sos Ministros e dae sa Regione Autònoma de Sardigna gràtzias a sa L. 482/1999 e a sa L.R. 22/2018 pro s'annu 2023, cuncordat unu cursu de alfabetizazione e de fungudamentu grammaticale in limba sarda.

**Su cursu est gratis e abertu a totu sos tzitadinos interessados**, a sos maistros de iscola e professores, a sos cummertziantes, a sos artesanos, a su personale dipendente de sos Comunes, a totu cussos chi impreant giai (o chi cherent impreare) su sardu ònnia die in sas fainas issoro.

Su cursu, chi at a tènnere una dura de **30 oras** (10 letziones de 3 oras onniuna), at a **cumintzare su 22 de trìulas** de su 2024 e at a sighire in sos meses de **cabudanni** e **santugaine 2024** cunformas a custu calendàriu:

- **Trìulas:** lunis 22 e 29
- **Cabudanni:** lunis 9, 16, 23 e 30
- **Santugaine:** lunis 7, 14, 21 e 28

Pro chistiones logísticas, sos cursos s'ant a fàghere cun presèntzia fisica de sos dischentes in su Comune de Barigadu in ue ddoe at a àere unu nùmeru prus artu de demandas de partetzipazione. Regordamus chi, pro ddu pòdere incarrerare, a su cursu si ddoe depent iscrìere a su mancus **15 persones**, chi **s'impignant a frequentare su cursu pro nessi 21 de sas 30 oras prevididas**.

A s'agabbu de su cursu ddoe at a àere un'esàmene e s'Unione de sos Comunes at a dare s'atestadu de frequèntzia a sos dischentes.

S'iscritzione cheret fata a intro de **su 15 de trìulas de su 2024** compilende su mòdulu alliongiadu a custu [avisu](#) e mandende-ddu a s'indiritzu de posta eletrònica [isportellu.limba.barigadu@gmail.com](mailto:isportellu.limba.barigadu@gmail.com) o cunsinnende-ddu a manu in oràriu de ufitziu a su Comune de Fordongianus, in ue tenet sa sea sua s'Isportellu linguìsticu.

S'avisu e su mòdulu de iscritzione sunt publicados in su giassu istituzionale de s'Unione de sos Comunes de Barigadu <https://www.unionecomunibarigadu.it> e in cussos de sos Comunes aderentes.

**Pro informos faghet a iscrìere a s'indiritzu [isportellu.limba.barigadu@gmail.com](mailto:isportellu.limba.barigadu@gmail.com) o a telefonare a su nùmeru 349/6025986.**